

四庫全書

史部

欽定四庫全書

欽定蒙古源流卷二

額訥特珂克土伯特蒙古汗等源流

由是嘽誦所供之多寶經禪教遂興自拉托托哩持年
松贊達克哩年資克納木哩蘇隆贊凡四代合前三汗
謂之妙音七汗納木哩蘇隆贊之子自從前戊子以來
厯二千七百五十年歲次丁丑必哩瑪托特噶爾福晉
生一妙相具足端嚴之子頂紋顯具阿彌陀佛相昔者

尼雅持贊博汗生一異相子因不能識擲之恒河既而悔之念此子究屬己子因愛惜之命名曰持勒德蘇隆贊以其頂紋所具阿彌陀佛用紅帛包裹不令人見至十三歲歲次己丑即汗位招服絕域衆汗等年十六歲歲次壬辰遣通密阿努之子大臣通密繼布喇並約其友十六人至額訥特珂克國中叅究於是隨彼處之班迪達名德幹必特雅星哈者傳音韻之學復以所學之音韻互證土伯特之三十字母合入四聲於原三十四

字內刪去十一字以其餘二十三字與土伯特始創之
六字並原阿字定為三十字母各分音韻又編成八大
經於是汗甚喜悅叅究四年將禪經百拜懺悔經三寶
雲經俱繙譯成文從此修明政治謂其地本係土伯特
應以經教引導兼定刑法殺人者備受諸刑復行抵命
偷盜者斷手虛偽者割舌屏去十惡罪欸奉行十善福
事於是都內羣以為大悲觀世音菩薩出現能轉千金
法輪之神聖競相稱揚咱噶喇幹倫汗蘇隆贊堪布之

名揚於十方由是汗思一佛像即於意中變化一佛名
曰噶爾瑪達迪僧人與汗相相肖頂上亦有阿彌陀佛
汗復降旨與伊云昔者拘留孫佛之時有大悲十一面
觀世音菩薩自色究竟天下降化入額訥特珂克國星
哈拉海邊界所埋之一蛇心旃檀樹根內於拘那含佛
時發芽于迦葉佛時長成樹至今釋迦牟尼佛時花葉
盛開果實成結自佛涅槃時又復倒枯為塵土所蒙今
欲取出請此十一面觀世音菩薩至彼星哈拉海邊界

彼處有卧象一羣中有一紅鼻大象伏卧耳墜一牛黃
穗名曰阿蘭札斡爾達象驅令走避將所卧地掘開蛇
心旃檀樹即在彼處付屬已此所化之僧遂藉神通力
須臾到彼見實有羣象伏卧遂將象驅走象不肯遠去
屹立等候將欲削其旃檀樹枝忽聞似有令其稍緩之
聲於是自然化成之十一面觀世音菩薩即時顯露復
於迦葉佛持受之花輪塔內又獲三佛舍利子甚多其
阿蘭札斡爾達象作人語向化身云爾汗昔日曾求福

於我今既遺忘又復向我顯然奪取我後世必轉一大
力汗壞其教律遂設惡愿等語于是奉菩薩像至進于汗
並以大象之言具奏汗降旨云吾前為額訥特珂克國
蘇喀巴喇公主子時造成沙隆喀碩爾塔求福原有一
負土行走之牛因遺忘未曾設愿其牛甚怒遂氣憤設
立惡愿我於是亦另設誓愿矣迨今世其象卧於大悲
觀世音菩薩之上則妬心俱滅自易化服但欲化服此
象仍須我躬是時汗意中方以普濟雪山所有生靈必

須聖經為憂彼自然化生佛自兩目中射出霞光二道
汗視之見一道光照射巴勒布國之巴喇木巴斡爾瑪
汗之公主公主係甲申年所生年十六歲面色潔白妙
相具足端雅美麗體淨無瑕口吐優鉢羅香氣是莊嚴
富麗之主也復見霞光一道照射中國唐朝太宗之女
文成公主亦甲申年所生年十六歲面貌慧秀妙相具
足端雅美麗體淨無瑕口吐哈里旃檀香氣是通明經
卷之主也於是汗欲求婚先遣大臣通密繖布喇噶爾

卷二
丹巴二人往巴勒布國求公主為配訓以多方剛柔互
用之策巴勒布汗即允所請以公主許配公主者乃白
衣救度佛母之化身公主之來也以迦葉佛持受之昭
不動金剛彌勒法輪及牛頭旃檀自然化成之白衣救
度佛等三尊佛像及巴勒布各種經卷並齋至土伯特
地方歲次己亥汗年二十三歲與巴勒布公主完婚於
是復遣使求娶文成公主唐朝太宗亦如所請許之以
公主平日供奉之釋迦牟尼佛及元秘術算各經歡心

如意十三史復將種種寶玩錦繡財帛分給萬萬時汗
年二十五歲歲次辛丑迎唐朝文成公主於土伯特地
方完婚由是建立廟宇不可勝數令額訥特珂克國之
桑吉喇必喇滿師巴勒布國之錫拉滿租師鄂斯達師
及唐朝僧瑪哈德幹土伯特國大臣羅咱幹通密織布
喇及其弟達爾瑪古沙等繙譯經咒等卷帙屏去十惡
罪款將十善福事宣布於政令於是愚蒙之土伯特地
方服其教者如仰旭日矣歲次戊戌年八十二歲各處

傳揚兩公主及通密繖布喇噶爾丹巴并皆化入大悲
十一面觀世音菩薩像內其長子莽蘇隴於父在時先
歿次子恭蘇隴時年十四歲係丙戌年生至是己亥即
位壬子年二十七歲歿有遺腹子對蘇隴生即嗣位至
庚辰年二十九歲歿其子持勒丹祖克丹汗生於庚辰
年次年二歲嗣位至壬午年六十三歲歿其子持蘇隴
德燦時年十三歲係庚午年生唐朝肅宗弟景德王女
金成公主所出妙相具足至是嗣位汗與篤好經典深

通法律之薩迦衮巴勒博且等五賢臣及內侍官商欲
迎請堪布博迪薩都之事丙戌年十七歲遂往薩和爾
地方請堪布博迪薩都行至莽之公塘山汗往見之遂
迎至哈斯布哩山之宮殿居住商建法輪廟宇云我乃
持行菩提心之人不能制服鬼怪若不先將本地鬼怪
土神滅除何能安建廟宇欲降此等惟烏迪雅納國之
巴特瑪繖巴幹師驅遣世界中神道羅刹八部精靈鬼
怪無異奴隸乃深通密咒得道之至人師若肯來則鬼

怪可以滅除汗云我何能迎師來此堪布博迪薩都云
有可以迎來之因初額訥特珂克之蘇喀尚古哩氏女
子曾於瑪哈蘇喀之尚古哩碩納尼舒古爾噶之三姓
生育三子女子歿後三子為母建立沙隴喀碩爾塔各
行祈福尚古哩子首云我願藉此福來世為教中施主
轉輪大汗即汗之前世因也次子云我願藉此福來世
為一掌教大堪布即吾之前世因也三子云我願藉此
福來世為一滅除壞敗我教之大塔爾尼齊即巴特瑪

繖巴幹師之前世因也輔師行事之良友即今雅爾隴
之嘉密克哩卜實諾延此皆前世設愿所以可期必來
汗聞言欣悅歲庚寅年二十一歲嘉密克哩卜什諾延
遣使赴額訥特珂克迎請巴特瑪繖巴幹師師果如堪
布博迪薩都從前所言云今已應我曩昔設愿之期當
即往彼不居此矣我前世止能集益於本身自不如以
廣益於衆生為大因果今已屆其期我身便如大鵬騰
空即速飛往若徒事觀經斷不能飛騰矣言訖師立地

前來至兩山險處見一大猛怪迎立巴特瑪繖巴幹師
遂於空中跌坐口中念咒降伏其怪即震駭變一大咒
忽生旋風攪雪至前師遂持九辯鐵杵向咒面當頭力
擊其咒即遁匿入山去風定雪消雲散天霽顯露山林
日色晶融師乃虔心持誦秘咒一遍擲杵鎮住歷將十
二凶暴女魔及土伯特地方土神龍神盡行除滅驅遣
鬼怪無異奴隸與汗持蘇隴德燦同將龍王烏巴納迪
之地作為龍山辛卯汗年二十二歲欲建廟築基分別

秘咒之道及大檀城三藏之道倣照阿必達爾瑪秘咒
及經史之道造成元妙金剛廟宇佛殿三重殿內所供
諸佛多緣秘咒之道所成下一層肖土伯特形勢中一
層肖漢地形勢上一層肖額訥特珂克形勢四大根本
俱備其下三門為三世佛像中一門乃法身之像東四
門具四無量四事之像凡此不可思議之轉輪元妙大
刹中殿內供三世佛四面四角四大部洲八小部洲會
萃驅魔之咒日月之象得力四大覺路及八瑪哈噶拉

之大廟四大浮圖並光明塔共三十廟宇環以金輪先
是有額訥特珂克潛伏海內之鄂丹達布哩廟宇今皆
做其式建造至癸卯歲汗年三十四歲工始完成於是
通徹三世大智慧之巴特瑪繖巴幹並得道之大堪布
博第薩都塔爾尼齊達爾瑪吉爾迪等持散天花開大
歡喜筵凡三年至甲辰汗年三十五歲邀集同教法衆
二十五人向高行巴特瑪繖巴幹處練習秘咒求受諸
佛言宗旨及七百二十佛之灌頂於是依所請給與秘

咒其名虛空藏之格隆能駕日光布特達音扎納能將
鐵杵嵌入石峯馬明王佛能三作馬嘶聲尊勝海慧空
行母能活死人能撫育德慧空行母等威儀獅子神能
驅遣鬼怪無異奴隸必嚕咱納克勒穆爾齊能顯慧眼
永奉國主於世通徹玉扎寧博之經音扎納固瑪喇能
施示神變都特都勒多爾濟如風行無碍音扎納郭哈
雅能騰空飛行錫哩德幹能手搏猛獸音扎納錫喇卜
能如鳥飛騰錫哩尼達能浮行水面達爾瑪哩斯密能

默識不忘錫哩星哈能使流水洄溯德幹蘇迪能變枯
骨為金徹崇羅咱幹能手捉空中飛鳥贊扎噶能乘猛
兇納干達喇能如魚游海水中瑪哈喇特納能食磚石
如米穀錫哩巴咱爾能馳走山峯拉迪喇特納能發雷
如射矢咱雅薩多能於虛空趺坐凡此顯示多方得道
之驗於是始見虛空藏金剛手清淨佛佛慧威羅幹金
剛佛尊勝馬明王佛持國最勝王佛尊勝海慧空行金
剛頂佛威儀獅象世尊稱讚佛妙慧空行離垢佛毘盧

遮那智藏持咒救護佛等八大佛之光由是以土伯特
語譯額納特珂克文字雖選土伯特童子教授終不得
一善學者已特瑪繖巴幹師甚憂之遂親往尋善學童
子至一家門前見一七歲童子向其詢問答云父母俱
不在家維時師正欲憩息遂立行幄留憩將童子喚至
詢以汝父何往答云父往尋言語又問汝母何往答云
母往尋眼目少頃其父沽酒歸童子指云此是尋言語
去者蓋謂飲酒後則言語煩瑣也又指其母買歸燈油

云此是尋眼目去者蓋謂點燈可照昏夜也師不勝欣
悅遂攜其童子回汗降旨云此子蓋古昔阿南達之化
身今為巴喇古爾根救之子名巴喇古爾必囉咱納之
童子是也遂教以額訥特珂克語未幾肄習貫通遂稱
為土伯特之墨爾根囉咱幹必囉咱納歲甲辰汗年三
十五歲巴特瑪繖巴幹師與額訥特珂克之必瑪拉瑪
迪巴勒布之必噶瑪拉錫拉土伯特之墨爾根巴喇古
爾羅咱幹必囉咱納卓克囉壘嘉勒燦班迪伊錫德噶

幹巴勒則克及漢僧瑪哈雅納等將經咒卷帙通行繙
譯各處傳揚為神童文殊之化身轉千金法輪建中之
咱噶喇幹掄汗持蘇隴德燦在位五十七年歲戊寅年
六十九歲歿其長子穆尼贊博中毒被害次子穆魯克
贊博遣往邊地幼子穆迪贊博生於丙辰年歲己卯年
二十四歲即位於瓊地方建立金剛圓覺等三廟在位
三十一年稱為薩特納埒克俊咱噶喇幹掄汗此汗與
額訥特珂克國之達爾瑪巴拉汗及唐朝之懿宗三人

俱一時所生歲己酉汗五十四歲歿其子臧瑪達爾瑪
持松壘羅壘倫多卜等兄弟五人長子臧瑪出家為僧
次子達爾瑪持松自前歲次戊子紀二十九百九十九
年之丙戌年所生歲戊戌年十三歲各衆大臣會議輔立
即位歲壬寅年十七歲時行兵于漢地擊敗唐朝肅宗
大有所獲威勢益增由是建造千座廟宇令額訥特珂
克之烏巴迪尼扎納瑪達錫納勒達博迪薩都達納錫
拉布達密達及土伯特之烏巴迪喇特納喇克資達達

爾瑪錫拉卓克囉壘嘉勒燦衮巴勒布齊之子衮壘旺
博等將從前未譯經卷俱行繙繹按盈髮之數各繫一
哈達每哈達各坐一僧供奉不竭推崇禪教以經典之
道惠養土伯特人衆維時土伯特國遍享太平因與聖
境無別故稱其君為末世之大力金剛手菩薩化身轉
千金法輪之持喇勒巴展咱噶喇幹掄汗烏遜繖達里
在位二十四年歲辛酉年三十六歲歿自丁未年肇興
禪教始至此辛酉年歷四百九十五年汗無子其兄達

爾瑪係癸未年所生歲壬戌年四十歲即位因其從前
在世為象時曾設惡愿二十四年之間惡習相沿遂傳
稱為天生邪妄之朗達爾瑪汗將大乘三藏以下下乘
以上之三乘及四項僧人俱行殄滅殘毀禪教歲已酉
綏英阿汗年六十三歲因值其另行設愿之時蘇隴贊
堪布汗之化身拉隆巴勒多爾濟將喀昂白馬用墨隆
黑反著青裏白舞衣匿弓矢於袖中來與汗叩拜初跪
時搭矢再跪時開弓三跪時發矢射中汗之心窩於是

云是如風之揚塵土之塞水水之滅火大鵬之制龍金剛之破石神之制阿修羅佛之降魔怪故我將綏英阿汗刺殺遂正穿白衣洗淨白馬乘逃巴爾喀木地方而去朗達爾瑪之五十三歲時歲己亥所生子曰鄂特蘇隴年十一歲歲己酉即位經教盡廢在位五十三年歲次丁丑年六十三歲歿其子巴勒科爾贊係伊父五十歲己丑年所生至辛丑年十三歲即位因值敬奉經教中興之時建立八大廟宇篤好禪教在位十八年歲

己未年三十一歲歿生有二子一名扎實則克巴一名
尼邁袞扎實則克巴子三人巴勒德鄂特德濟特德為
衛藏四大地方之汗尼邁袞子三人巴勒袞扎實袞德
租克袞前往阿哩等三部落稱為古格姓氏汗迨後推
廣禪教有自下推廣自上推廣二種其自下推廣者乃
朗達爾瑪汗殘毀禪教之時錫勒巴蘭咱庫爾納巴蘭
咱錫拉木繖巴幹錫拉瑪迪音扎納瑪迪巴咱爾舒幹
喇與巴蘭咱星哈倣依阿斯達兄弟二人及烏巴迪尼

錫達等十人前往尼幹克丹迪克地方見一破廟僅剩
一釋迦牟尼佛遂於此佛前漢僧瑪哈雅納座下出家
由是遂復回來令高行拉展為堪布格韋絅爾為闍黎
釋迦牟尼喇嘛為教授並二僧共為五格隆受持格隆
之戒於衛藏四大地方復行廣推禪教其自上推廣者
緣尼邁衮次子扎實衮生二子曰庫壘隴吉長子庫壘
係從前戊子年以來紀三千一百二十三年之庚寅年
所生後因為僧遂稱為賚喇嘛禁舍依鄂特歲壬辰生

固格羅咱幹琳辰藏博至甲寅歲喇嘛葉舍依鄂特年
二十五歲建立托凌廟遣羅咱幹琳辰藏博等二十五
人往額訥特珂克將班迪達噶達噶爾瑪達爾瑪巴瑪
喇固巴達請至將經藏秘咒四項紀略盡行繕寫謂之
推廣禪教次子隴吉即汗位其子額卜朗沙嘉依鄂特
因其為僧遂稱為遵巴沙嘉依鄂特隴吉汗遣納克磋
羅咱幹粗勒持木嘉勒幹二人往額訥特珂克之南先
是錫哩咱噶達之子迪巴木噶喇錫哩置納亦係自從

前戊子年以來紀三千一百二十七年之甲午年所生
彼時昭阿迪沙師已六十一歲亦於甲午年請來遂將
從前未有之經繙譯而禪教益推廣矣扎實則克巴次
子鄂特德之子扎實德汗奉請喀齊班第達置納錫哩
令崇布吹遵固納羅幹咱羅丹錫喇卜二人繙譯經卷
尊崇禪教其興教也約分二會其先興者起自辛酉壬
戌年至丁亥凡八十六年其後復興則自丁亥戊子年
始

欽定蒙古源流卷二

欽定四庫全書

欽定蒙古源流卷三

額訥特珂克土伯特蒙古汗等源流

古土伯特地方尼雅特贊博汗之七世孫色爾特贊博汗為其臣隆納木篡奪汗位其子博囉咱且特布爾特齊諾等弟兄三人俱各出亡季子布爾特齊諾出之恭博地方即娶恭博地方之女郭幹瑪喇勒為妻往渡騰吉斯海東行至拜噶勒江所屬布爾干噶勒圖納山下

遇必塔地方人衆詢其故遂援引古額訥特珂克人衆
所推尊之土伯特地方之尼雅特贊博汗以語之必塔
地方人衆議云此子有根基我等無主應立伊為君遂
尊為君長諸惟遵旨行事生子必塔斯干必塔察干二
人必塔察干生特墨徹克特墨徹克生和哩察爾墨爾
根和哩察爾墨爾根生阿固濟木博郭囉勒阿固濟木
博郭囉勒生薩里噶勒濟固薩里噶勒濟固生尼格尼
敦尼格尼敦生薩木蘇齊薩木蘇齊生哈里哈爾楚哈

里哈爾楚生博爾濟吉台墨爾根墨爾根之蒙郭勒津
郭幹哈屯生都喇勒津巴延都喇勒津巴延之博囉克
沁郭幹哈屯生多幹索和爾多博墨爾根弟兄二人多
幹索和爾之子托諾依多克新額木尼克額爾克俱為
厄魯特巴噶圖特和特奇喇古特四姓之衛喇特其得
名多幹索和爾者因其印堂中有一眼能視三站之故
伊弟兄二人經行布爾干噶勒圖納時其兄云自推朗
噶嚕迪向通格里克呼嚕觀以西行走之一一起遊牧將

至車內有一俊雅女子可說為汝室二人向前詢問云
係兩土默特地方郭哩岱墨爾根之妻巴喇郭沁郭幹
在阿哩克烏遜地方所生之女名阿掄郭幹尋路行走
者遂訂與其弟多博墨爾根為妻生伯勒格特依伯袞
德依二子多博墨爾根卒後阿掄郭幹哈屯每夜夢一
奇偉男子與之共寢天將明即起去因告伊妯娌及侍
婢等知之如是者久之遂生布固哈塔吉博克多薩勒
濟固勃端察爾等三子後漸長成有好事者譖之云從

無寡婦生子之理其夫之連襟瑪哈賚常往來其家疑
即此人伯勒格特依伯袞德依二人遂疑其母阿掄郭
幹哈屯因給伊子箭桿一枝命折之既折而擲之旋給
五桿命一併折之竟不能折其母云爾等二人悞聽旁
人之言疑我因語以夢中情事且云爾等此三弟殆天
降之子也爾兄弟五人若不相和好各異其行即如前
一枝箭以勢孤而被傷若公同而行即如後五枝箭勢
衆則不能傷之矣由是和好後析產時僅給勃端察爾

有迎鞍短尾鏤髻貉皮馬一匹外並未給與他物因惱恨四兄獨向鄂諾江東去見彼處有一青色鷹攫野鴨而食結套得鷹即放之而食其所獲之鴨結一茅廬棲止度日常於鄂郭爾察克一族人家尋飲奶漿後其兄伯勒格特依前來尋弟訪問彼衆告云爾弟每日來此飲奶漿伊將來時每每下雨爾姑待之語未畢天無片雲陣雨忽至四顧無人惟勃端察爾自荒郊而來弟兄遂會於其地即招服鄂郭爾察克人衆內一懷孕婦人

勃端察爾娶為妻室名曰布丹由是布固哈塔吉以哈
塔錦為氏博克多薩勒濟固以薩勒卓特為氏勃端察
爾以博爾濟錦為氏布丹哈屯貌美前所孕之子名幹
齊爾台遂以幹齊爾台為氏焉勃端察爾既娶布丹哈
屯將伊所生之子命名為巴噶哩台汗之後裔哈必齊
巴圖爾哈必齊之子名伯格爾巴圖爾伯格爾巴圖爾
生瑪哈圖丹瑪哈圖丹生哈齊庫魯克哈齊庫魯克生
星和爾多克新星和爾多克新生托木巴該徹辰托木

巴該徹辰生哈布勒汗哈布勒汗生巴爾達木巴圖爾
巴爾達木巴圖爾生伊蘇凱巴圖爾訥袞泰實孟格圖
徹辰達哩岱諤濟錦等四人由是伊蘇凱巴圖爾攜訥
袞泰什達哩岱諤濟錦二弟往落雪處尋覓天馬見一
車轍內婦人溺痕以為此婦必生佳兒尋其蹤跡乃塔
塔爾氏之伊克齊埒圖自鄂勒郭諾特地方娶妻烏格
楞前來衆近前審視烏格楞向伊克齊埒圖云適纔三
人內其年長之舉動曾看出否因脫所服襯衣囑云將

此急與彼以遣之語未竟已逞強動手伊克齊埒圖敗走一齊尾追踰河三道遂擄烏格楞伊蘇凱巴圖爾以爲己妻回家之際烏格楞哈屯且行且哭達哩岱諤濟錦等勸云過河三道踰山三重尋蹕無蹤瞭望無跡呼之已不聞矣於是烏格楞哈屯吞聲前行即從前戊子歲以來越三千二百九十五年歲次壬午伊蘇凱巴圖爾之烏格楞哈屯生一子極靈秀為之卜名適遇特穆津遂命乳名曰天賜之特穆津云又生特穆津哈薩爾

哈濟錦誇楚肯等四子併原配圖墨埒特郭幹阿巴海
哈屯所生之伯克特爾伯勒格德依二子弟兄共六人
後伊蘇凱巴圖爾為特穆津求親前往伊舅氏鄂勒郭
諾特遊牧途遇鴻吉喇特之岱徹辰問云却特之嫡派
博爾濟錦氏親家何往伊蘇凱巴圖爾答云我為此子
尋親而來岱徹辰云今夜夢一白海青落我手中我
卜之兆在爾博爾濟錦氏自古以來我家之俊雅女子
作爾博爾濟錦氏之哈屯者最多今有女儀容甚美且

命中應作爾博爾濟錦氏之哈屯我只生此一女名布爾德甫九歲即與爾此子為妻其父云年紀太小其子云終當成此一事可即成之於是舉觴為壽奉雙馬以為聘禮款留特穆津伊蘇凱欲辭去正值塔塔爾族眾宴會之期眾邀云現備有餚饌食之再去切勿推却一併留住詎眾忽念及舊仇以毒藥攪入食物內食之伊蘇凱巴圖爾疾作急趨入親家室內云我在諸親眷房中食物甚甘不期中傷我特穆津何在可來前喚至遂

令鴻郭丹之莽古里克照看遣回而伊蘇凱巴圖爾即卒原配哈屯亦相繼而卒後惟烏格楞哈屯隻身養育六子一日特穆津哈薩爾二子告其母云伯克特爾伯勒格德依二人將我等所釣之魚奪而食之今日又將哈薩爾響箭射得之雀奪而食之意欲殺伊二人其母云爾等何以與從前岱齊果特之鰥伯呼郭幹之五子一般議論爾等譬如影之隨形尾之在身不可離異兄弟相親和睦豈非長久友愛之道乎伊等掀簾走出由

是四人遂與伯克特爾伯勒格德依交惡伯克特爾云
要殺我便殺切勿殺伯勒格德依伊是日後給爾等出
力之人不允遂致伯克特爾於死其母大怒斥責之曰
吾愛惜保護養成將作名臣之子吾辛勤教誨養成將
作賢臣之子向曾欣然期望何以如此互相殺害此後
爾等其欲相殺相殘乎殆馳山之狗子歟殆嚙胎之豺
狼歟殆顧影自搏之海青歟殆掉尾自擊之鼠輩歟此
與虺蜴奚異則復誰與爾等友愛者由是岱齊郭特之

兵忽構釁來攻云不侵犯爾等別人可將特穆津獻給
特穆津聞之將弓搭箭正欲出拒被母拉住其箭落扣
墜于坐側遂防守彼衆進攻路徑至第三日欲出時因
馬鞍脫落云肚帶鬆扣則有之後鞦何以脫落此係天
父止我又隔三日欲出時見一塊大白石阻路云向無
此石蓋天父用此止我又隔三日至九日後云此事何
以處之正然矐望之際被敵所獲縛以鐵鎖桎梏每家
輪流看守五月十五日乘岱齊郭特排設筵宴夜飲之

際扭斷腿上鐵鎖擲守者之前逃出東西藏躲隱伏哈爾吉圖烏遜處蘇勒德遜托爾干沙喇雖見之以為此子前曾與我齊拉袞秦拜二子交好此隱伏之人即便是伊我亦佯為找尋之狀而已遂去特穆津以為此是一好心人乘夜逃至沙喇家齊拉袞秦拜二子云禽鳥求救且養之籠中况天命之博爾濟錦求救前來若不肯容納不加愛養日後與我等有何益處隨以斧壞其鎖藏匿于毳毛車內至次日逐戶搜尋搜至托爾干沙

喇家中欲搜其毳毛之車托爾干沙喇之女錫魯郭干
哈塔干哭云為他人于此炎熱時苦刻自己之人耶其
妻亦厲詞止之云似此夏日炎熱時如何將人藏於毳
毛車內反疑惑自己之人乎其衆始罷去于是托爾干
沙喇向特穆津云為爾幾傷我家遂將白騾馬之鎧鬆
放令其乘騎殺兩年羔以為口糧遣之回特穆津至家
與母及諸弟欣然相會至戊戌年特穆津年十七歲布
爾德哈屯係丙戌年所生甫十三歲遂爾匹配後岱齊

郭特復來選取八匹黃驃馬竊之去特穆津遂乘伯勒
格德依捕獺所騎之黃馬循所踐草跡踣蹠而前遇阿
爾拉特阿郭巴延之子博郭爾濟于牧場博郭爾濟問
云大却特苗裔博爾濟錦氏汗之子爾從何來答云日
出時我湯黃驃馬被盜尋所踐草跡而來向爾阿郭巴
延之子問詢博郭爾濟云向聞爾勤于奔走論丈夫本
領我非平等今與汝同往自乘呼爾敦呼必之黑鬃黃
馬將烏嚕克星呼拉之貉皮馬令特穆津乘騎相隨而

去及昏覘知衆人圍繞寢息博郭爾濟將欲乘夜潛進
不識汗之子肯闌入與否遂問云我以爾係博爾濟錦
之後裔是有福之人今日相隨前來為何游疑不斷二
人遂一同闌入將八匹湯黃驕馬趕出直赴阿郭巴延
家來阿郭巴延聞其子言相向而笈旋背而哭云丈夫
本領相同甚勿棄置此人遂殺二羊羔贈為口糧遣回
嗣是博郭爾濟扶助特穆津事無鉅細公同辦理特穆
津年至二十八歲歲次己酉於克魯倫河北郊即汗位

前三日每清晨室前方石上有一五色鳥鳴云青吉斯
青吉斯遂叶其祥號稱索多博克達青吉斯汗由是名
揚於各處矣其石忽開裂內有一玉寶印方廣俱五寸
許背為龜紐盤龍二條鐫有篆字即用是印鈐紙千張
由是于鄂諾河上樹九旂白纛以肅軍容經行德里衮
布勒塔干地方樹揚威青色四旂纛君臨四十萬必塔
人等降旨云汝等疲於奔走從我服勤總攝有衆艱苦
備嘗乃得休息爾如摩羅爾寶貝之畢塔人衆聽我指

使共著勲勞俾我建中建極其庫克蒙古勒乎因號為庫克蒙古勒云是時正值哈薩爾汗與多羅干鴻和坦一同追趕岱齊令蘇伯格德依巴圖爾帶兵前往汗降旨訓示云錫以尊榮如纓冠之賁首結以理義若磐石之鞏固者乃我之臣工如金湯之扞衛如茂竹之森列者乃我之士卒爾等聽之嬉笑處應惜食指之招尤奮勉處應效兔鶻之搏擊戲耍處宜鄙若蚊蠅戰陣處宜捷於鷹鷂蘇伯格德依巴圖爾奏言願竭力奮勉其成

與否惟主上之威福是賴遂起程前往蘇伯格德依巴圖爾諫言於哈薩爾汗云骨月若分離則被旁人戕害損已之人而為他人擄獲動雖全得骨月不可得屬人雖可得弟兄不可得也哈薩爾汗然其言即來尋見隨兄聚處乃哈薩爾伯勒格德依二人矜誇云汗禁止不軌征伐不義恃哈薩爾之射伯勒格德依之強以保屬人以化暴戾今欲擒拏塔本翁格除我二人更有何人出力耶後被汗察知欲隱抑其少年之驕矜遂變作一

屬下老人持一長角弓街市售賣哈薩爾伯勒格德依
一見即鄙薄之云老兒此弓除作打鳥之彈弓無並用
處老者言汝二少年尚未試何得鄙之試則知之矣言
訖冷笑伯勒格德依不能扣弦老者扣弦付給哈薩爾
接過亦不能開正看之際適見一鬚髮斑白之老人騎
青線臉騾前來以此弓搭金哨子箭射之射裂一山峯
歎云二少年肆言誇詐竟遜老夫一籌矣遂去二人念
此非常人蓋係主上之化身遂一意慎行後出兵收服

曩古特之烏蘭昌貴三十一鄂托克人衆時汗與哈薩爾二人追趕鏖戰哈薩爾騎汗之賽音薩穆津駱皮馬有托克塘阿巴圖爾台吉者將二人誘進賽音薩穆津駱皮馬被血染成赤兔發矢克敵收服烏蘭昌貴人衆俱服其技藝自是衛喇特布哩雅特投降供納廩給並將在大拜噶勒烏拉地方所獲之鴉鶻呈獻汗前而布哩雅特人衆亦內附矣歲次庚戌年二十九歲出放布哩雅特所獻鴉鶻自烏勒呼河至烏拉河適珠爾齊特

之旺楚克汗背叛來追汗怒調兵往征因烏拉河無津不能渡托克塘阿巴圖爾台吉之子安敦青台吉連結萬馬之轡吶喊前進渡海攻城上降旨云如給萬燕千貓即不取城立時照數送給於是在其燕貓尾上拴結火繩點火撒放燕往屋內尋巢貓向房間竄跳城內各處漸漸火起用此計收服汗遂納旺楚克汗之女雅里海自彼旋轅雅里海哈屯已歿歲次壬子年三十一歲出兵烏訥根江以東地方因江水漲發上即在江邊屯

駐遣使諭令納貢如不納貢則征之高麗察罕汗懼進
獻高麗墨爾格特岱爾烏遜之女和蘭郭幹併以虎皮
穹廬及布噶斯高麗二鄂托克之人隨嫁于是收服察
罕汗之三省高麗在彼留駐三年布爾德哈屯遣阿爾
噶遜和爾齊往看和爾齊請安訖奏云布爾德哈屯請
汗安問侍御諸人并童幼等及汗之政治衆大臣好並
奏言娑羅樹上有海青孚雛寄于樹間被花豹壞其巢
卵雛俱傷葦塘中有鴻雁孚雛寄于蘆之陰卵雛俱被

白爪所害可奏聞聖上上以為此喻甚是遂撤大兵回國降旨云肇基之始所遇之大哈屯布爾德福晉乃父母所聘結髮之妻後于征伐處收納之和蘭難見家中布爾德福晉之面倘在衆屬人前發怒殊覺可恥可于九烏爾魯克內遣一人先往告知布爾德福晉扎賚爾摩和賚情願前往先赴大哈屯布爾德處叩頭奏言上有旨云不守本業輕棄道統不聽大臣獻替之言棲止虎皮穹廬收服和蘭人衆因納和蘭哈屯布爾德福晉

賢德哈屯降旨云哈屯布爾德伏思展開疆土强大其
國者在君上之威福其愛戴輔翼者惟人主之藻鑑葦
塘中鴻雁雖多加以以强弓硬弩任君之意國中女子
雖多其稟賦有福者君自察之豈在家久戀女子耶抑
或不施控勒而騎生駒耶常言吉多則無凶灾少即是
祥願汗尊軀堅固我婦人何為也摩和賚即來迎奏汗
大喜甚然之駐宿金亭從彼旋轅時阿爾噶遜浩爾齊
攜金胡琴竟夜駐宿他處汗使博郭爾濟摩和賚斬阿

爾噶遜浩爾齊伊等即召阿爾噶遜速來次早攜酒兩
瓶而來汗尚未起博郭爾濟在外奏言朝彩麗熙朝負
車人待理聖躬幸寤興伏望降明旨玉殿含旭影金門
祈早啟深尤俟睿斷懇布鴻慈矣汗乃起立召阿爾噶
遜浩爾齊入尚未降旨博郭爾濟摩和賚二人即以鞭
責之阿爾噶遜奏言如窩藍鳥正得意啼鳴之際適值
海青飛來之恐懼也命世之主發威不勝惶恐之至自
十歲隨從未敢有放肆之處失於酒則有之實無惡心

至二十歲隨從未敢有欺誑之處過於飲則有之實無
毒念汗以阿爾噶遜口出善言浩爾齊無虛假而出之
以誠遂寬宥焉越時岱齊果特之布克齊勒格爾在屋
中剗一穴上覆以氈片弟兄設宴來請詭云小人等從
前無知向汝爭競今見汝所向克成知是天命之聖主
從前激之使怒今首先歸附幸勿追咎前罪祈降臨寒
舍汗即欲往烏格楞哈屯諫言勿以敵兵之少而輕之
勿以毒蛇之微而忽之須加防範汗然之命哈薩爾持

索韃坐侍伯勒格德依相勢指示行事哈濟津照管馬
匹烏濟錦相隨起坐伊遜烏爾魯克入室派兵三百九
名在外周圍埋伏遂前往至彼入室汗欲坐羶中有智
之烏濟錦引坐羶邊一婦人將汗所乘馬之鎧皮割斷
攜去布克伯勒格德依追及斷婦之足彼衆欲砍布克
伯勒格德依之肩岱齊果特之伏兵出戰善射之哈薩
爾矢無虛發應弦而倒伊遜烏爾魯克等保護汗自左
超乘科爾沁托克塘阿台吉之鏑鬃白騾馬遂擊敗彼

衆盡行收服岱齊果特等之所以結怨者從前曾有承襲畢塔察干哈布勒汗之七子與承襲必塔斯干阿木拜汗之三子互相攻擊阿木拜汗之十子乘馬搶戰哈布勒汗之七子內弟兄六人被戕八部之畢塔人衆被掠巴爾達木巴圖爾等五人內三人受傷脫出是時巴爾達木巴圖爾之長子伊蘇凱巴圖爾年十三射一穿鐵甲之人仆地即乘其馬出而尋父而名賽音瑪喇勒哈雅克之婦人絮訥衮蒙格圖塔哩台三幼兒步行脫

出自是失業之故也今將先世仇人擊敗收獲振旅而還陞坐亭內忽見穹廬頂上有一玉碗盛奇香異味之酒滿而不溢降至汗手內汗獨飲之四弟言天恩豈可獨享也汗然之即將所餘遞給四人雖飲入口竟不能咽奏言此天父玉皇上帝賜聖天子寶貝碗以盛甘露也前言誤矣汝乃命世主可行政治我等隨行可也汗降旨云天命在我從前塞北稱君即得玉璽今甫降服舊仇上天即降甘露由此觀之爾等所言是也歲次癸

五年三十二歲聘塔塔爾部伊克綽囉之女濟蘇哈屯
濟蘇凱哈屯姊妹二人為妃自是汗率庫期大兵滅金
主而建業焉歲次甲寅年三十三歲據有烏蘭烏魯斯
中國十三省八十餘萬戶民人之地稱號岱明索多博
克達青吉斯汗其代金主建業之聲聞互相傳播土伯
特地方之錫都爾固汗巴延薩爾塔固爾之子多爾通
聞之甚懼遣使奏言願納貢賦以為右翼汗許諾厚賞
而遣之其使住宿岱齊雅布噶之家夜坐談論告以汝

汗誠天子也奈哈屯等不佳我之古爾伯勒津郭幹哈屯面色光瑩夜不須燭其雅布噶之妻蒙郭倫郭幹曾侍哈屯從汗於行在故雅布噶聞是語密奏云錫都爾固汗之妻錫魯袞古爾伯勒津郭幹哈屯面色美麗明並日月殆皇天所寵錫主上請收之後遣使於土伯特之錫都爾固汗云朕今用兵於薩爾塔郭勒汝右翼其率兵前來錫都爾固汗答云各國雖未盡無併汗乃百獸中之猛獅豪傑中之聖主之二者無須資助汗於是

大怒誓之曰此命不亡終不恕彼天父鑒之鴻吉喇特
之幹齊爾徹辰奏言汗何不諭之曰生子至於成立鎗
鐵至於殘壞終必及之奈何輕至尊之身與之發誓願
汗壽域永固元兇盡滅臣民豐裕德望綿遠歲次乙卯年三十
四歲用兵於薩爾塔郭勒薩爾塔郭勒之扎里雅特蘇勒德
汗迎戰於薩噶哩塔爾巴噶台地方彼時有蘇尼特之
吉魯根巴圖爾莽努特之貴里達爾和碩齊等二人引
戰遂殺扎里雅特之蘇勒德汗據有五部之沙喇薩爾

塔郭勒人衆歲次丙辰年三十五歲進兵托克摩克有
號博克達達哈蘇魯克德格呼托克摩克之莽古里克
蘇勒德汗者前來迎戰于是珠爾齊特之蘇伯格特依
巴圖爾珠勒根之楚勒吉台巴圖爾等二人引戰遂斬
莽古里克蘇勒德汗據有托克摩克之衆歲次戊午年
三十七歲遣使於克哩葉特之翁汗言前取布爾德大
哈屯時事之如父曾以貂裘為獻今朕調劑庶政統一
治道願如父子相親翁汗不信率克哩葉特之衆興兵

前來迎戰於鄂諾河下游呼倫貝爾地方彼時有衛喇特之都魯勒濟台什烏梁罕之濟勒墨諾延蘇尼特古里根之子湍台察爾必等三人首先轉戰遂降翁汗據克里葉特之衆歲次庚申年三十九歲用兵於奈曼之圖們汗命必塔錦將八萬兵往取達延汗奈曼之鄂拓克令且迎且守期會于河上彼時有烏古新之博囉郭勒諾延阿嚕拉特之博郭爾濟之子諤古倫察爾必鄂勒固諾特之呼濟爾達什等三人先將達延汗逐出遂

據奈曼之衆歲次壬戌年四十一歲用兵於郭爾羅斯
郭爾羅斯之納琳汗率二十萬郭爾羅斯前來迎戰於
克哩葉庫卜克爾地方彼時有哈薩爾諾延鴻吉喇特
之幹齊爾徹辰曩古特之圖克德庫和濟歡巴雅固特
之烏里阿克塔等四人進戰生擒納琳汗遂據郭爾羅
斯之衆歲次甲子年四十三歲哈爾里固特之阿爾薩
蘭汗甚驕縱揚言曰汗博克達特穆津用兵於各處斷
無不來我之疆域者常言大丈夫生於家庭死於原野

遂率兵前來上聞之迎戰於薩喇格古勒地方彼時有
扎賚爾之孟郭里諾延塔塔爾之錫吉呼圖克蘇勒德
遜咱木拜達爾罕郭爾羅斯之圖們諾延徹辰伯奇幹
齊掄扎穆噶等五人進戰遂斬阿爾薩蘭汗據有其衆
歲次丙寅年四十五歲用兵於土伯特之古魯格多爾
濟汗彼時土伯特汗遣尼魯呼諾延為使率三百人前
來進獻駝隻輜重無算會于柴達木疆域汗嘉予之遂
大賚其汗及使臣而遣之上因致書併贄儀於薩嘉察

克羅咱幹阿難達噶爾貝喇嘛云尼魯呼諾延之還也
即欲聘請喇嘛但朕辦理世事未暇聘請願遙申皈依
之誠仰懇護佑之力由是收服阿哩三部屬八十萬土
伯特人衆遂進征額訥特珂克直抵齊塔納凌嶺之山
脊遇一獨角獸名曰塞嚕奔至汗前三屈其膝而叩衆
皆駭異上諭之曰彼額訥特珂克之幹齊爾圖薩固琳者
乃古昔降生佛菩薩大聖人之地今此不能言語之獸
類乃肖人叩拜者其故何哉我等若到極至之處不知

又當何如此蓋朕之天父藉此以示禁歟遂振旅而還遣使諭令薩爾塔克沁之諳巴海汗令輸誠納貢其汗不從屏使臣而拒之曰安居之衆乃加以強擄遂肆意而行耶我諳巴海不畏強侮何有於苟且安居耶遂遣還汗大怒曰諺有之出大言者招損朕承天父之命曾敗十二強汗以期國治民安今彼如此大言天父鑑之歲次戊辰年四十七歲用兵於諳巴海汗諳巴海汗率兵十萬迎戰於拜噶勒江地方格鬪三朝上躬自督兵

維時阿喇拉特之博郭爾濟諾延扎賚爾之蒙郭里諾
延蘇尼特之吉魯根莽努特之貴里達爾和錫果齊台
等爭先進戰大敗之斬諳巴海盡降其所屬遂撤薩爾
塔克沁之大兵焉汗以伊遜烏爾魯克以下効力有名
人衆俱為國効力著有勲勞編次美號顯爵重賞厚祿
以施恩行賞至于百千萬億皆作諾延並大賚所屬大
國亦復如是而弗及于博郭爾濟諾延夜晚當入息時
已飭博郭勒巴沁迨入息布爾德福晉徹辰索台哈屯

在寢室曰汝途窮之時扶持交結掃除僭亂成汝大事
奮不惜命者得非博郭爾濟乎明主人君普惠澤於大
衆彼勞績宣著効力出衆之博郭爾濟奈何忘之汗曰
朕非忘之欲使忌妬者知博郭爾濟之德也諭近侍博
郭勒巴沁曰汝往覘之彼斷不怨朕殆安居好言以待
之耳遂遣博郭勒巴沁前往伊妻特古斯懇郭幹云遇
於未興之前竭力輔政成其萬難之事我等効力過於
衆人汝忘生身父母拋去妻子不分爾我効力於汗汝

以為今雖勞苦終可安樂今主上施恩衆屬賞逾千萬而並未提及爾博鄂爾濟此輩之効力於博爾濟錦者非由爾之指示乎博鄂爾濟答曰飲食則無事貪饕護衛則期于盡力雖未得一體受恩不必懷怨惟竊自贊助宣力効勞是圖爾量淺婦人所見者短我汗尊軀永固據此大寶一統太平當時雖不加恩于我必施及後嗣子孫無須急切怨望益當奮勉効力汗蓋試我耳斷不忘我此必別有深意也博鄂勒巴沁將此悉行奏聞

汗曰朕不云乎伊從前曾出衆効力今無分隱顯出言
肫誠不移不似尋常人等少懷嫉妬之心明日將博郭
爾濟如此之德宣諭於衆大施恩賞至次日集衆屬降
旨曰曩昔朕施恩賞衆遺忘博郭爾濟至晚布爾德福
晉哈屯坐談怨朕有近侍過博郭爾濟之家將博郭爾
濟特古斯懇二人坐談之語悉皆奏朕遂逮博郭爾濟
夫妻二人問答之言且曰股皮撒袋至于破壞而仍出
好言者博郭爾濟是也扶持顛危而終懷好意不貳其

心者博郭爾濟是也有毛撒袋至於朽爛而分外効勞者博郭爾濟是也舍死鏖戰奮勇不惜身命者博郭爾濟是也今伊遜烏爾魯克等大臣官員至於衆人爾等勿生忌妬似此出衆効力之人若不重賞則阻將來報効之路博郭爾濟首先遇合宣力効勞朕將施恩重賞以旌異於衆衆大臣官員奏云頃蒙汗寵錫並不提及博郭爾濟蓋汗之明有意存焉以此觀之良有以也我等何敢忌妬此旨非所以愛我衆人也汗曰其賜號為

內而扶助朕之大統外而據有塔本翁格之衆董率震
動山岳師旅之九部落諾延庫魯克博郭爾濟其妻特
古斯懇郭幹賜號曰太夫人封博郭爾濟為伊遜烏爾
魯克之長九部落之諾延



欽定蒙古源流卷三

欽定四庫全書

史部
欽定蒙古源流卷
五四

主事_臣陳若霖覆校

總校官檢討_臣何思鈞

欽定四庫全書

欽定蒙古源流卷四

額納特阿克土伯特蒙古汗等源流

由是汗降旨云承玉皇上帝神父之命駕馭天下十二
強汗平定諸惡劣小汗有勞大臣官員等贊成大事今
須養息身以自戒辰年起至丙戌年安居一十九年政
務統敘鴻章鞏固上下安居君臣黎庶共享太平又降
旨云一者先曾有言布告二者今惟唐古特人衆尚未

歸附先是錫都爾固汗之黑鼻黃犬能知先兆將九存
白羆請出設立行兵三年其犬若無敵時則好聲緩吠
若遇有敵則嚎因知汗欲加兵遂嚎三年而錫都爾固
汗以此犬既老無先兆矣未加防範歲次丁亥三月十
八日行兵唐古特之便于杭愛汗地方設圍汗以神機
降旨云今圍中有一郭幹瑪喇勒有一布爾特克沁綽
諾出此二者毋殺有一騎青馬之黑人可生擒前來遂
遵諭將郭幹瑪喇勒布爾特克沁綽諾放出將黑人拿

至汗前汗問曰爾係何人所屬因何至此答云我乃錫
都爾固汗屬人遣來哨探者我名趙諸唐古特素號善
馳之黑野豕今殆我黔首將滅之時乎束手就擒此青
馬素負庫斯博勒特之名衆畜莫能及今豈四蹄疲軟
乎何並未動轉遂爾被擒汗降旨云此人果係丈夫遂
未殺又問云人言爾汗向稱呼必勒罕彼果如何變化
答云我汗清晨則變黑花蛇日中則變斑斕虎晚間則
變一童子伊斷不可擒忽于途間有近侍博果勒巴沁

者以汗之弟哈薩爾會飲之際曾握和蘭哈屯之手奏聞于汗汗遂遣博果勒巴沁向哈薩爾索取大皂鵬翎哈薩爾云今以臨御大衆之君索取大皂鵬翎因將上好大皂鵬翎呈獻云是舊物不受而去又命射取骨頂哈薩爾見骨頂飛來問博果勒巴沁云自為首者起當射第幾對云於黃黑之間射之因射斷鼻梁以獻之而却之曰汗所喜者索取大皂鵬翎耳此係骨頂且被血汚又不受而去汗於是發怒望見穆納地方降旨云此

乃廢國當隱避太平當優遊宜獵捕麋鹿以為休息老
人之地正談論間忽一鷓鴣鳴於樹杪汗疑之呼哈薩
爾云為我射此惡鳥哈薩爾遂射之矢發鷓鴣飛去適
有一鵲落下遂被射殺汗因嗔責云前此爾與多倫鴻
郭達同專征伐曾索取大皂鵬翎吝惜弗予今令殺此
惡劣鷓鴣反殺祥瑞之鵲因縛執哈薩爾派四人看守
之爾時烏爾魯克諾延奏云吾主亦知妙繪每變色於
惡染賢德多受惑於小人之私乎將以惡劣鷓鴣移禍

於祥瑞之鵲乎乞將弟哈薩爾恕免汗雖以為是因未
釋先入讒譖之言遂未赦至唐古特地方將圖爾默格
依城圍困三層有善法術之哈喇剛噶老媪在女牆上
搖動青旗施鎮壓之術倒斃驕馬二羣蘇伯格特依巴
圖爾奏汗曰吾主今軍中驕馬將盡試令哈薩爾出射
之汗以為然將備用之淡黃馬給哈薩爾乘騎令其發
矢哈薩爾即指老媪之膝益射之應弦而斃錫都爾固
汗遂變為蛇汗即變為鳥中之王大鵬又變為虎汗即

變為獸中之王獅子又變為童子汗即變為玉皇上帝
錫都爾固汗勢窮被擒遂云若殺我則害於爾身若免
之則害及爾後裔汗云寧使我身被害願我後裔安善
因用箭射刀砍俱不能殺錫都爾固汗云任爾以諸般
鋒利之物砍我無妨惟我靴底中藏有三折密薩哩鋼
刀方可刺砍遂搜取其刀又云爾等殺我若我身乳出
則害於爾身若血出則害及爾後裔再古爾伯勒津耶
幹哈屯爾若自取可將伊身邊詳細搜看遂將彼之密

薩哩鋼刀砍其頸殺之乳出即取古爾伯勒津郭幹哈屯并佔據密納克唐古特人衆又欲在彼阿勒台汗山之陽哈喇江岸邊過夏其古爾伯勒津郭幹哈屯甚美麗衆多奇異之古爾伯勒津郭幹哈屯云從前我之顏色尚勝於此今為爾兵烟塵所蒙顏色頓減若於水中沐浴可復從前之美麗于是令其洗浴古爾伯勒津郭幹哈屯前往哈喇江岸邊沐浴時有其父家中養一鳥遶空飛至因獲住向隨去人曰吾為爾等羞爾俱留

於此吾獨往沐浴言訖遂往寫書云我溺此哈喇江而
死母向下游尋我骨殖可向上游找尋因將書繫於鳥
頸而遣之出浴而回顏色果為增勝是夜就寢汗體受
傷因致不爽古爾伯勒津郭幹哈屯乘便逃出投哈喇
江而死從此稱為哈屯額克江云後其父因寧夏趙姓
女子沙克扎旺節所寄之信來尋骨殖不獲僅得純珠
緣遣襪一隻令每人擲土一遂稱為鐵蘆岡云汗自
受傷後漸致沉重彌留之際降旨云命矣夫靜好之布

爾德福晉墨爾根哈屯寵眷之和蘭濟蘇濟蘇凱三人
輔翼可嘉之庫魯克博郭爾濟諾延同著勞績之伊遜
烏爾魯克如庫德爾等四弟如庫魯克等四子以及如
庫哩之官員諾延等我府庫之充盈我國家之大統我
之哈屯後裔我之僕從諸人我之土地均可惜也語竟
遂爾昏暈蘇尼特之吉魯根巴圖爾奏云尤可惜者布
爾德福晉墨爾根哈屯其死矣大統其亂矣兄弟哈薩
爾伯爾格特依其心懷離愁矣屬下黎庶其流散各處

矣結髮之布爾德福晉墨爾根哈屯其死矣崇隆之政
體其凌替矣噫烏格德依托壘二子其孤矣萃聚之僕
從諸人其減矣布爾德福晉徹辰哈屯其死矣兄弟諤
濟錦哈濟錦二人殆不聊生矣教養可恃之人衆其離
散矣負異出衆之博郭爾濟莫和賚二人其苦矣前至
杭愛汗山之陰妻子皆涕泗來迎矣汗今何往衆皆哭
望汗之降臨矣汗復甦降旨云孀居之布爾德福晉墨
爾根哈屯失恃之烏格德依托壘二孤子爾其殫正直

之心竭誠輔翼永遠勿替在爾等美玉無玷純鐵無銹甚可珍惜此身固無常要當堅持剛強不退縮之念爾等果克成其事即事之始也言語果極其實即心之誠也尚其小心奉行共襄和順噫我辭世去矣幼子呼必賚言語簡明大小事宜爾等共遵其言而行日後自能令爾等安居悉如我身在時降旨後歿於圖爾默格依城時歲次丁亥七月十二日享年六十六歲於是以輦奉柩屬衆人等步行哭送蘇尼特之吉魯根巴圖爾哭

云我君其如鷹颺而高飛乎我君豈以此輦污穢而昇
遐乎我君果遺棄妻子乎我君果拋置僕從乎我君如
鴉鵲之搏擊而去乎我君如纖草之因風飄蕩乎我君
享年六十六歲豈臨蒞九色人等而逍遙以往乎啼泣
而行至穆納之淖泥處所車輪挺然不動雖將五色人
等之馬駕挽亦不能動舉國人等正切憂虞蘇尼特之
吉魯根巴圖爾又奏曰永承天命生此人主今遺棄大
統及僕從人等聖主其超生長往乎君原配之福晉所

治之統敎所立之政事所都之國邑俱在彼處天命之
福晉金闕殿亭純備之制統收集之人衆與習居之地
沐浴之水統屬僕從蒙古人等九烏爾魯克衆官員等
游牧之鄂嫩德里袞布勒塔干等處棗騶馬繫所製之
神位聚積各種適意中節之鼓銅鑼畫角瑣呐金亭登
基之克魯倫地方亦在彼處發祥之先所遇之布爾德
福晉哈屯有福之布爾噶圖汗游牧處所寵眷優渥之
博郭爾濟莫和賚二人並極盛之政統亦在彼處蒙神

引遇之和蘭哈屯福晉及胡荻胡琴諸般樂器汗之德
美濟蘇濟蘇凱二福晉並一切金亭殿屋亦在彼處豈
以哈爾固納汗山融暖以唐古特人等衆多以懷蓄惡
念之古爾伯勒津郭幹哈屯美麗反將昔日之屬衆蒙
古等棄擲乎今萬金之軀雖不能保但請將如寶玉靈
奇之枢使大福晉布爾德哈屯一見以慰屬衆之望祈
汗仁愛鑑照奏畢輦因徐徐轉動於是羣下咸感戴稱
奇遂至所卜久安之地自哈屯福晉以及台吉屬衆均

哭泣極哀因不能請出金身遂造長陵共仰庇護於彼處立白屋八間在阿勒台山陰哈岱山陽之大諤特克地方建立陵寢號為索多博克達大明青吉斯汗其名遂留傳至今云所生察干岱珠齊烏格德依圖類四子並徹辰徹徹肯公主共弟兄五人汗在時令長子察干岱於俄羅斯地方即汗位次子珠齊於托克瑪克地方即汗位三子烏格德依留守汗位幼子圖類守產汗在時即歿烏格德依係丁未年降生歲次戊子年四十二

歲即汗位欲往請薩斯嘉扎克巴嘉木燦因事耽延逾
六年歲次癸巳年四十七歲歿子庫玉克庫騰二人長
庫玉克乙丑年降生歲次癸巳年二十九歲即汗位在
位六月是年即歿次庫騰丙寅年降生歲次甲午年二
十九歲即汗位歲次乙未因龍崇侵魔患病多人眈視
不能痊愈術窮因議及西邊地方有奇異通曉五識名
薩斯嘉恭噶嘉勒燦喇嘛延請醫治庶幾有益遂令韋
瑪郭特之道爾達達爾罕為首往請帕克巴巴喇密特

者係自前戊子年以來紀三千三百七十五年歲次壬寅降生至戊辰年二十七歲往額訥特珂克與左道六師之異端講論辨難窮其詞獲班第達之號而歸其叔父扎克巴嘉勒燦喇嘛曾告之云日後有東方帽若棲鷹靴似猪鼻屋似木網娓娓長音語須三四譯者係蒙古國君博迪薩多之化身名庫騰汗遣使名道爾達者請汝汝必往行當於彼處大興佛教因示卦驗適與之合時六十三歲於甲辰年起程至丁未年六十六歲與

汗相見造成獅吼觀音收服龍王仍與汗灌頂頃刻病
愈衆皆歡喜即遵帕克巴巴喇密特之言而行所有邊界
蒙古地方創興禪教歲次辛亥帕克巴巴喇密特年七
十歲圓寂庫騰汗在位十八年亦於辛卯年歿享年四
十六歲喇嘛與汗二人同年而逝其圖類汗之蘇喇克
台伯啓太后生莽賚扣呼必賚額哩克布克等四子長
莽賚扣係丁卯年降生歲次壬子年四十六歲即位
在位八年歲次己未歿享年五十四歲次呼必賚徹辰汗

乙亥年降生歲次庚申年四十六歲即位歲次甲子年
五十歲越八年辛未夏則居上都克依綢庫爾圖城冬
則居大岱都城併阿勒台北之察罕巴勒噶遜額爾楚
吉地方之蘭亭共造四大岱都城居住整肅屬下平定
四大國四境不累八方無擾服馭有衆與羣黎共享太
平再帕克巴巴喇密特之姪瑪廸都幹咱係乙未年降
生歲次辛未年十三歲時隨伊叔父而來歲次戊子年
三十歲呼必賚徹辰汗之福晉呼必勒罕秦貝郭幹哈

屯秦汗云此瑪廸都幹咱乃嗣續我喇嘛之人可令其
持受喜金剛之灌頂汗雖然之自嫌坐於此童子之下
令詢此童子若我坐於床上令其坐於下面給與灌頂
則受之不然如何可受灌頂於是哈屯前往降汗旨諭
於瑪廸都幹咱彼云從前以灌頂治化入於金剛藏嗣
復得解脫二乘菩提道之大利益喇嘛顯屬幹齊爾達
喇佛如何可坐於汗之下由是杌鑿不入矣秦貝哈屯
心甚憂之復向喇嘛云傳經持受灌頂之時喇嘛坐於

床上令汗坐於下面辦理政事之時汗與喇嘛俱坐於
床上似此如何彼此俱以為可由是汗降旨云自明日
為始瑪廸都幹咱托音我二人可將功德喜金剛根本
之義講解演說於次日互相問難乃汗所問之言瑪廸
都幹咱不能領悉意甚彷徨遂謝以明日再講起而去
蓋因帕克巴巴喇密特所持之喜金剛根本經卷在汗
處瑪廸都幹咱未曾得見竟夜愁思不寐倏爾困倦見
一皤然白髮老人髻上挿一人骨畫角形似婆羅門髻

之曰爾勿憂心可點燈一盞預備言訖而去少頃又見前老人持書一本前來云將此速看留心記憶天明以前我仍須持去安放言訖復不見瑪廸都幹咱反復詳閱三次正在存記已至黎明果見老人前來云此書看完我即持去安放又云爾昨日因注想將喇嘛請坐於南向空中對面相向故講究時未能制勝今日可注想將喇嘛請於頂上其面向外如此講究則汗不能與汝為匹矣禱祀喇嘛時則對面相向講究時可想其面向

外言訖又復不見此乃有根基之薩斯嘉師徒之護法
綽克托瑪哈噶拉之神奇變幻將汗處之功德喜金剛
根本經持取前來以示之也次日講究時大汗未能與
瑪廸都幹咱為匹於是心甚篤誠將通備功德喜金
剛之四灌承受贈以土伯特語謂之喀木蘇木垂濟
嘉勒布喇嘛帕克巴漢語謂之三省大王國師蒙古語
謂之古爾班噶扎特達奇諾們哈罕烏勒木濟喇嘛滿
洲語謂之伊蘭巴伊諾們汗綽勒郭囉科喇嘛封號將

秦貝哈屯之父默爾格特之蘇爾噶圖瑪爾噶察所獻
圓大如駝矢無瑕無孔之珠設於百兩金壇城之上呈
獻復於千兩銀壇城之上設金製須彌山四大部洲日
月七珍八寶又將金銀琉璃等寶以及綾緞錦繡財物
並象馬駝隻等牲畜呈獻無算并塞勒木濟城之人衆
一同獻納由是昏昧之蒙古地方佛教昭然如日矣自
額訥特珂克地方將佛並佛之舍利四天王所獻之鉢
孟旃檀木製造之昭佛請至遵照經文施行十善福事

以治天下安享太平人咸稱為轉千金法輪之咱噶喇
幹迪徹辰汗在位三十六年歲次庚申享年八十二歲
歿徹辰汗之秦貝哈屯生多爾濟莽噶拉精吉木諾穆
罕四子一女齊齊克先於庚辰年徹辰汗年六十六歲
時帕克巴喇嘛年四十六歲將回家汗降旨云我四子
內誰往送此寶貝喇嘛至家日後令即汗位二兄俱不
願往惟第三子精吉木台吉云我願報父恩前往遂送
帕克巴喇嘛行至蒙克地方而歿汗云我前已有成命

於精吉木之三子噶瑪拉達爾瑪巴拉特穆爾弟兄三人親為諦看以特穆爾克承治統遂將第三孫特穆爾於汗在時令其即位特穆爾汗係乙丑年降生歲次甲午年三十歲即汗位後伊祖歿自丁酉年起續承治統供奉有名之薩斯嘉滿珠郭喀喇特納格都喇嘛照前整立二政以四大道致民人於太平續緒十一年歲次丁未年四十三歲歿嗣達爾瑪巴拉之子海桑辛巳年生歲次戊申年二十八歲即位命有名之托音垂濟鄂

特色爾之羅咱幹僧人將史咒各經繙譯大半以道教
惠養大衆在位四年歲次辛亥年三十一歲歿弟阿裕
爾巴里巴特喇汗乙酉年生歲次壬子年二十八歲即
位供奉有名之薩斯嘉錫哩巴達喇嘛仍遵前政宏圖
永固在位九年歲次庚申年三十六歲歿子碩迪巴拉
汗癸卯年生歲次辛酉年十九歲即位供奉有名之薩
斯嘉布特達錫哩喇嘛以道教授大衆驅逐唐古特
之特卜贊汗以定密納克之衆在位三年歲次癸亥年

二十一歲歿嗣噶瑪拉之子伊遜特穆爾汗癸巳年生
歲次甲子年三十二歲即位令薩斯嘉布尼雅巴達及
蒙古師羅咱斡錫喇卜僧格二人將從前未譯之經繙
譯在位五年歲次戊辰年三十六歲歿海桑汗之長子
和錫拉汗庚子年生歲次己巳年三十歲即位在位四
十日即於是年歿弟庫色勒汗乙巳年生歲次己巳年
二十五歲即位在位二十日即於是年歿嗣阿裕爾巴
里巴特喇汗之子托克特穆爾汗甲辰年生歲次己巳

年二十六歲即位敬奉有名之薩斯嘉阿難達巴達喇嘛崇祀昭釋迦牟尼佛於上方福地大施金銀寶貝於釋迦牟尼佛法極加敬重修明道教在位四年歲次壬申年二十九歲歿嗣庫色勒汗之子額琳沁巴勒丙寅年生歲次壬申年七歲即位在一月歿托克特穆爾汗之子托歡特穆爾烏哈噶圖汗戊午年生歲次癸酉年十六歲即位供奉有名之薩斯嘉阿難達瑪第喇嘛遵依從前道教而行遂賴道教獲享安逸歲次甲申漢

人朱姓之子朱葛生時其家見五色虹光彼時阿爾拉特之博郭爾濟諾延後裔拉哈之子伊拉呼丞相奏於汗云常人生時能有此兆乎此子必異人也應乘其年幼殺之汗以其言為非未殺其子伊拉呼丞相又奏云今不聽吾言恐遺害於將來矣若此子長成禍將叢生後其子長成賦性警敏汗甚愛之降旨將右省人衆令托克托噶哈哩常父子二人為長以領之將左省人衆令朱姓之子朱葛布哈弟兄二人為長以領之因將左

省佔據於是朱葛諾延與一漢人號司馬平章之內大臣黃緣固結令其在汗前以托克托噶太師心蓄異念構結外人之語以讒譖之是夜汗復夢見一鐵牙野豕突入城中欲噬衆人之際因不得路遂各處抵觸奔走又見日月同墜次早即以是夢告知漢人王先生令其詳解伊云此將失汗位之兆也汗恚以何為出此怪異之語遂詢問阿爾拉特之伊拉呼丞相伊拉呼丞相云固為好徵我前未嘗言之乎在在飛塵並烽烟四起汗

以此童子年幼何知因召洪吉喇特之托克托噶太師
詢問太師答云鐵牙之豕朱姓為亂之兆日月同墜乃
汗與奴僕無分之兆也汗問云今當何以禳之答云前
伊拉呼丞相之言甚是今從照伊之言惟將朱姓人殺
戮此外別無別策汗意以太師乃大人蓋亦側目我重
用朱葛故為此以譖之耳遂不殺朱葛聞其言與前結
好之司馬平章並委心腹肆行讒惡托克托噶太師聞
之屢言於汗因汗不信從乃云此我厄運非吉徵也遂

益加防範詎朱葛諾延差人往試托克托噶太師太師
預知乃設一計於門前用一木槽貯水水中貯砍碎木
植數塊上置剃頭刀一把并牛毛一縷所遣之人來至
審視而去白曰並無別言惟門上貯放上項物事云云
朱葛諾延會其意曰木槽所貯之水有如大海乃譬言
大國是也砍碎之木如海內之舟乃譬言汗與大師諾
延宰桑等是也剃刀牛毛者乃言其利如剃刀其細如
牛毛譬言汗之法度是也又轉念似此有智之人如不

用計殺之伊諸事皆能洞知斷不可留遂告知司馬平章令復轉奏云托克托噶太師實有惡念於汗試召伊前來齊集看其來否則可知矣遂遣司馬平章往召太師至半路而回云召太師不至汗曰此有惡念信矣不然何為不至耶於是令司馬平章帶兵往殺托克托噶太師司馬平章將衆兵留於錫囉干城獨往見太師云有密旨潛告云有人奏汗言大諾延有惡念於汗因未知虛實降旨令召太師商議太師雖知其計因時已至

不可避遂往司馬平章曰我先往預備牲畜若有遲滯則汗怪我遂先往備兵太師至遂引入殺之回奏於汗汗降旨將現在左右省所有人衆令朱葛管轄令司馬平章叅知政事朱葛奏云承汗惠愛重恩我豈忍安居於室若令微員前往未免擾累衆我願親身往收貢賦汗甚喜悅允其行由是朱葛三年不至汗怒甚嚴諭司閤人云朱葛去久伊若來時勿令入城汗一夕夢一白髮老人來云爾自殺守城之犬任狼自外馳來是何

意見因大怒嗔責瞬目不見次日汗因夢疑懼思所謂
自己之犬者其殺托克托噶太師之謂歟所謂外面之
狼者其朱葛外出之謂歟遂告知阿難達瑪第喇嘛喇
嘛良久無語徐奏云按曩昔我尊勝喇嘛具五識極至
之帕克巴巴喇密特所造法語寶藏素布錫達史內有
雖將已友為仇尚屬有益若將他仇為友殊為可畏之
語今將如守城之犬托克托噶太師殺害將如馳走之
狼朱葛信任此夢之預示凶兆也汗問曰今如何方能

濟之喇嘛奏曰從前呼必賚徹辰汗時我崇上法王帕克巴喇嘛坐泣三日汗問曰喇嘛爾何故大泣答云汗非為我二人之時也後九世十世時降生托袞汗伊等必毀滅我二人之教是以哭泣汗云喇嘛爾如此少年何以知此遠事答云汗不獨此也且知曩時此地曾下七日血雨汗遂檢查古書一冊內載昔時中國唐太宗時此地曾下血雨七日故額訥特珂克之托克默特師之弟蘇班都師之徒向唐朝之漢僧元裝羅咱幹云非

爾之時也爾後十餘世爾之戚中降生唐英襲王汗方
為運行爾道之兆其書一冊閱訖汗較前益加敬奉信
服似此聖卦示驗至時誰能阻抑耶惟願汗向高明喇
嘛禱祝誠禮三寶虔祝本身護法庶可為挽汗怒降旨
令喇嘛爾今且回原處喇嘛喜甚云當此金甌永固玉
燭常調之時令我回家非汗之旨乃喇嘛之幸也遂束
裝而去

欽定蒙古源流卷四